



Ofisina Sentral di Statistik

Centraal Bureau voor de Statistiek

Inlichtingen: (+599 9) 724-1802

Adres: WTC Building, Piscaderabay z/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 3 di yüli 2025

CBS ta publiká e sifra di preisnan pa konsumidó di aprel 2025 riba su wèpsait.

Desaroyo di e preisnan di konsumidó na Kòrsou pa luna di aprel 2025

Willemstad.- For di e sifranan di Ofisina Sentral di Statistik (CBS) ku a ser publiká awe, ta mostra ku nivel di preis na luna di aprel 2025 a subi ku 0,1 porshento kompará ku mart 2025. E sifra di inflashon a subi ku 2,4 porshento na aprel 2025.

Desaroyo di preis pa luna aprel 2025 kompará ku luna anterior mart 2025

E índeks di preisnan di konsumidó (CPI) di Kòrsou a subi ku 0,1 porshento den luna aprel 2025 kompará ku mart 2025. E sifranan di preisnan pa konsumidó pa aprel 2025 a yega na 104,4 (na febrüari 2025 e sifra tabata 104,4).

Na aprel 2025, e preis di produkto i servisio a subi den tres kategoria di konsumo. E oumento prinsipal durante e luna di aprel tabata pa e kategoria di Bibida i Tabako (0,8%), Kuminda (0,6%), Bibienda (0,2), Salú (0,1%). Di otro banda, preis di sinku kategoria di konsumo a baha, kual ta: Rekreashon i entretenimiento (-0,2%) i Muebel i produktonan di kas (-0,3%), Kuminda (-0,3%), Bibienda (-0,2%), Paña i sapatu (-0,1%) i Otro gastu (-0,7%). E preis den e kategoria di Paña i sapatu, Transporte i komunikashon i Sobra a keda meskos.

Desaroyo di preis riba un tempu largu

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior.

Si kompará e periodo di e último 12 luna te ku aprel 2025, kompará ku e mesun periodo un aña anterior, e preisnan di konsumidó a subi averahe ku 2,4 porshento. E averahe di 12 luna di CPI a

subi for di 101.0 na mart 2024 pa 103,4 den aprel 2025.

Pa mas informashon, por bishitá e website di CBS: www.cbs.cw/inflationprices

//////////